



**Erasmi a Chokier Tractatus iurisdictionis ordinariae in  
exemptos, illorumque exemptione ab ordinaria  
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro  
potissimum occurentibus Tomi primi Quaestionibus annexas, etiam S.  
Rotae Romanae Decisiones Novissimae De Eadem materia editae, &  
singulari studio selectae continentur - Hac postrema editione  
praecedentibus duobus Tomis primum additus

**Chokier, Érasme de**

**Coloniae Agr., 1684**

Ad part. 4. Quæst. 19. Additio.

---

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

ex Decreto Concilii Tridentini *sess. 25. cap. 11. de Regul.* quia Concilium loquitur de Ecclesiis & Monasteriis exemptis, quæ sunt in Diocesi, ibi: *in cuius Diocesi sita sunt*, & sic non comprehendit Monasterium, de quo agitur, quod est nullius jurisdictionis, & ejus Abbas reperitur in possessione illam exercendi privativè ad Episcopum, cui propterea nec juris assistentia suffragatur, ex deductis in *Elmen. Jurisdictionis §. hinc non relevat 19. Junii 1647. coram bon. mem. Dunozeo.*

Idem Domini censuerunt, quoad secundum, tertium, & quartum articulum, non obstante Decreto Sacræ Congregationis Rituum edito 27. Septembris 1659. ubi prohibentur Abbates exercere Pontificalia extra eorum Ecclesias; quia cum Abbas per transactionem per Sedem Apostolicam confirmationem habeat in Oppido de Monforte, & illius Ecclesiis cumulativam jurisdictionem, non potest Episcopus allegare dictum Decretum seu privilegia, per quæ valeat Abbatem impedire hanc jurisdictionem sibi per pactum præservatam in transactione Episcopo summoperè favorabili, dum ex prædictis constat, quod totalis jurisdictione ante existeret penes Abbatem.

Et ita utraque parte Informante.

Ad part. 4. Quæst. 19. *Additio.*

Exempti an teneantur ad Synodum? Nota quod fundamentum & ratio accessus ad Synodum est subjectio jurisdictioni Episcopali, & præcipuè illi speciei jurisdictionis, quæ expeditur visitatio; Synodus enim est præambulum visitationis, ut notavit *Fagnan. in C. quanto numero 56. de offic. Ordin.* Ex hoc ibi colligitur unam Regulam, quod omnes illi exempti etiam Regulares, qui ex decretis Concilii Tridentini visitari possunt ab Episcopis etiam jure tantum delegato, teneantur venire ad Synodum Diocesanam, ut in specie dictum fuit de Regularibus, qui vel Capitulis Generalibus non subduntur, vel curam animarum personarum secularium exercent. Item de Rectoribus Ecclesiarum curatarum nullius Diocesis sacra Congregatio respondit, teneri ipsos interesse Synodis vicinioris Episcopi qui ex Concilio jus habet visitandi. Refert idem *Fagnan. in C. quod super his numero octavo & decimo, de major. & obed. & novissimè per lan. memor. Alexandrum VII. declaratum fuit Abbates, & alios*

Hhh 3 Superio-

Superiores parvorum Conventuum in Italia, qui ex decreto Innocentii X. omnimoda jurisdictioni Episcoporum tanquam Sedis Apostolicæ delegatorum subiecti fuerunt, teneri ad eorundem Episcoporum Synodos accedere.

Ad Quæst. 21. *Additio.*

**D**E clausula: quatenus sacris Canonibus & Decretis Concilii Tridentini non adverteatur, adverte quod contra interpretationem Hieronymi à Sotob hoc loco à d. Auctore allatam, aperte tenet *Fagnan. in cap. Canonum sacra. numer. 23. de consuet. & in cap. Tuarum. num. 26. de privileg.* Et meliori quidem ratione, cum enim, ut legenti & intuenti patet, Canones sacri Concilii Tridentini nil aliud sint nisi definitiones & dogmata fidei, contra quæ nec ipse Summus Pontifex indulta & dispensationes concedere potest, proflus ineptum videtur per supradictam clausulam Canones & dogmata Concilii Tridentini præservare velle, & non potius antiquos Canones Summorum Pontificum, & Conciliorum Generalium in materia disciplinæ Ecclesiasticæ editos.

Ad Quæst. 23. & 24. *Additio.*

**D**E materia visitationis locorum & personarum exemptarum. *vid. Fusc. de visit. lib. 2. cap. 8. & cap. 26. Roderic. quæst. regul. tom. 1. quæst. 36. art. 3. Zerolam. praxi Episcop. par. 1. verb. visitatio & par. 2. verb. exemptus. Azor. Instu. moral. par. 2. lib. 3. cap. 40. Barbosa in Collectan. ad Concil. Trident. sess. 7. de reform. cap. 8. & sess. 25. de Regular. cap. 8. & cap. 11. latè Fagnan. in cap. Grave. num. 11. & seqq. de offic. Ordin. & in cap. nullus. num. 23. & seqq. de Paroch. ex quibus omnibus breviter elici possunt sequentes conclusiones.*

1. Ecclesias exemptas qualcumque visitat Episcopus uti Sedis Apostolicæ delegatus præter Regulares in Congregationem redactas, vel quæ Ordinum suorum capitibus subsunt. Concil. Trident. sess. 7. de reform. cap. 8. sess. 25. de Regul. cap. 8. & 11. sess. 21. cap. 8. Si tamen his etiam imminet cura animarum, visitari quoque possunt quoad concernentia d. curam.

2. Ecclesiæ nullius Diocesis sæculares visitantur vel ab Episcopo intra curiam Diocesis limites sunt constitutæ ex cap. 10. sess. 23. vel à viciniori, si sint extra fines cuiuscunque Diocesis. cap. 9. sess. 24. Regulares verò nullo modo ab Ordinariis visitari possunt. cap. 11. sess. 25. de Regul.